

Comunu de  
**Sètimu**  
Tzitadi Metropolitana de Casteddu  
**Pratza Sandro Pertini n. 1 09040 Sètimu**



C.F. 80004000925  
Tel. 070 76911 Fax 070 765687  
**giassu:** [www.comune.settimosanpietro.ca.it](http://www.comune.settimosanpietro.ca.it)  
**pec:** [protocollo@pec.comune.settimosanpietro.ca.it](mailto:protocollo@pec.comune.settimosanpietro.ca.it)

Sa noti passada genti (po imoi) mala at donau fogu a sa vetura de unu contzitudinu nostu in su centru de sa bidda, in bia Mara.

A parti su dannu fatu a sa vetura, ndi bessit a pillu dannus medas a una domu de un'antziana fiuda anca fiat parchegiada sa vetura pigada de mira da is pagus racumandaus .

Cussu chi de prus ponit pensamentu est sa mancàntzia de cumprendòniu da parti de is autoris, de is dannus mannus diaderus chi custas atzionis ponint in campu, e a dolu mannu calincunu benit fèrtiu fisicamente.

Funt maneras chi non faint parti de sa costumàntzia de sa comunidadi nosta, ma chi diaci est, is autoris de custas fainas malas si depint bregungiai duas bortas po sa miseresu e cositedda umana de pagu contu chi funt.

S'augoraus totus chi is imbistigus potzant portai a connosci is responsàbilis e chi custus bengant castigaus a mala manera.

Cumentis si gherrat custu “ fenòmenu”?

De siguru est una chistioni culturali, chi pertocat s'educatzioni e sa civiltadi de is tzitadinus, duncas est de importu sa faina educativa de is Istituzionis, in primis sa famillia e sa scola.

Un' àtera manera po cumbati custa malesa est de siguru sa telecàmera.

Giai de unu pagu de tempus a custa parti, su Comunu de Sètimu, cun s'agiudu de àterus Comunas de sa Tzitadi Metropolitana de Casteddu, at incarrerau s'iter po ponni unu sistema de telecàmeras in logus de importu de su centru populau, cumentis is intradas e is bessidas de sa bidda.

Cun custu progetu at a essi prus fàcili po sa Giusta aciopai is autoris de is fainas de crìmini, fogosus o malus.

Po imoi, custa progetu, est in fasi de aparìciu po is 9 Comunas, deustus fintzas Sètimu, e sa punna est cudda de biri a sa lestra is telecàmeras me in su territòriu nostu.

In s'interis, a nòmmini de s'Aministratzioni comunali, bollu espressai solidariedadi bera a is tzitadinus vùtimas de custa malesa chi ponit pensamentu me in sa comunidadi intrea.

Su Sìndigu.